



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 42. Concilium Avenionense a Cardinale de Fuxo celebratum

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV.
A.C. 1457.

§. XLII.

*Concilium Avenionense a Cardinale de
Fuxo celebratum.*

Collect. Conc.
6. Labbe
Tom. XIII.
pag. 1406.

Currente hoc anno Avenione celebrata est Synodus, cui præfuit Petrus de Fuxo Cardinalis, Archiepiscopus Arelatis, ac Legatus Avenionensis. Intererant quoque Alanus S. R. E. Cardinalis; Robertus Aquensis Archiepiscopus; Petrus Episcopus Aptensis; Georgius Senecensis; Gaucherius Vapincensis, & Nicolaus Massiliensis: Aduere etiam Petrus Dignensis; Petrus Glandavenensis; Palamedes Cavalljanus; Pontius Vasionensis; Joannes Rhegiensis; Stephanus Fricassinus, Michael Carpentoractensis, & Joannes Aurationensis. Ceterum Cardinalis de Fuxo natione Gallus Ordinis Minorum a Martino V. summo Pontifice cardinalitio honore insignitus, jam antea Concilio Constantiensi interfuit, nunc vero ex eo potissimum consilio præsentem Avenionensem coegit Synodum, ut Basileensis Concilii decretum de Conceptione Beatissimæ Virginis Mariæ confirmaret. Id ipsum præstitit statuto, quo severe omnibus, & singulis sub poena excommunicationis inhibuit, ne ullus contrariam opinionem prædicare, vel publice de illa disputare præsumeret; Præterea

terea mandavit Ecclesiarum Curatis, ut hoc statutum publicarent, ac populo exponerent, ne fidelium quisquam ignorantiam obtendere valeret. Hæc Synodus celebrata est in Ecclesia Cathedrali Avenionensi die septima Mensis Septembris Anno Incarnationis millesimo quadringentesimo quinquagesimo septimo Pontificatus Callisti tertio; illius autem autographum in Bibliotheca illustrissimi Episcopi Vasionensis asservari testatur Pater Labbeus.

Sæcul. XV.
A. C. 1457.

§. XLIII.

Pax Regem inter & Delphinum restituta.

Interea Rex Galliarum, cum Delphinus ad Burgundum se recepisset, cuncta Delphinatus loca occupabat, urbesque ad confinia Ducis Burgundiæ sita novo præsidio firmabat, postea vero omnibus harum regionum incolis quodcunque consortii genus cum Filio suo interdixit, simulque prohibuit, ne eum inconsulto Patre ullatenus exciperent. Burgundiæ Dux hac agendi ratione non modice turbatus hæsit, veritus, ne forte Rex Filium suum intra Burgundiæ ditionem armata manu extrahere meditaretur; Cum igitur Dux ad ejusmodi vim vi repellendam sese compulsus iri præfenserat, Pa-

Joa. Chart.
Hist. Car.
VII. pag.
288. & seq.